

Registrá awor: posibel partisipashon pa periodista karibense na *Nederlands Journalistiek Festival* (Festival di Periodismo Hulandes) na Deventer.

Bo ta periodista i bo ta biba na un di e seis islanan karibense den Reino? Bo ke kompartí eksperiensia ku kolega na e otro islanan den reino i kolega hulandes europeo i kontribuí na un nivel di periodismo mas haltu den Reino? Esei ta posibel!

Fondo BJP (Fonds Bijzondere Journalistieke Projecten) ta ofresé sinku periodista di Karibe Hulandes e oportunidat pa partisipá na e promé edishon di *Nederlands Journalistiek Festival* na Deventer, ku kompensashon di gastunan di biahe. Un oportunidat úniko pa stablesé kontaktonan nobo, atkerí konosementu i partisipá aktivamente na e seshon di konferensia di ***Een gedeelde journalistieke toekomst: de Cariben & Europees Nederland*** (Periodismo den Reino: un futuro kompartí entre Karibe Hulandes & Hulanda), djabièrnè 12 di sèptèmber 2025.

Ki Fondo BJP ta ofresé?

Fondo BJP ta pone un kompensashon pa gastunan di biahe di aproksimadamente €1.300,- na disposishon di sinku periodista di Karibe Hulandes pa nan por partisipá na Festival di Periodismo Hulandes na Deventer, djabièrnè 12 i djasabra 13 di sèptèmber 2025.

E kompensashon total ta kubri:

- €1300,- pa gastunan di biahe (buelo ida i buèlta i transporte na Hulanda).
- Tres anochi na un hotèl na Deventer ku desayuno inkluí (di 11 pa 13 di sèptèmber).
- Akseso na e festival den su totalidat, inkluso akseso na e seshon di e konferensia *Een gedeelde journalistieke toekomst: de Cariben & Europees Nederland* i un lùch kompartí.

Ta posibel pa bo buk bo pasashi na moda ku bo ta permanesé pa un periodo mas largu na Hulanda, ku solamente e tres dianan na Deventer. Tene kuenta sinembargo ku nos ta kubri solamente hospedahe di e dos anochinan ku bo ta keda na Deventer.

Kiko bo por ferwagt di evento *Nederlands Journalistiek Festival*?

E promé edishon di [Nederlands Journalistiek Festival](#) lo tuma lugá den e sentro históriko di Deventer i e ta modelá segun e Festival Internashonal di Periodismo di Perugia.

Durante e festival bo por partisipá na diferente tayer, i na pènel ku charla tokante temanan aktual den periodismo, ku ta REGARDÁ tantu periodismo investigativo komo inovashon digital. Bo por tira un bista riba e programa completo [akinan](#). Lo tin oportunidat ekstenso pa enkuentronan espontáneo i kòmbersashonnan informal, loke ta hasi e festival un lugá ideal pa ekstendé bo kontaktonan ku karanan nobo i amplia bo ret profeshonal.

Kiko e seshon di diálago den e konferensia “Periodismo den Reino un futuro kompartí entre Karibe Hulandes i Hulanda”, ta inkluí?

Komo parti spesial di e festival, Fondo BJP ta organisá dia 12 di sèptèmber, un seshon titulá “Periodismo den Reino un futuro kompartí entre Karibe Hulandes i Hulanda”. Durante e

enkuentro akí, ku lo ta interaktivo, periodista di islanan karibense i di Hulanda ta bini huntu pa kompartí eksperensia, diskutí reto- i oportunidatnan pa kompartí i mehorá nan representashon den e ámbito periodístiko.

E ta trata mediante ehèmpelnan práktiko proyektonan periodístiko i proyektonan ku tin komo meta kolaborashon den Karibe Hulandes i e ta usa kòmbersashon den pènel pa profundisá mas aleu. E ta ademas un evento estelar kaminda profeshonalnan ta topa otro papiando di kontenido di nan trabou. E seshon ta sirbi na mes momentu pa nos eksplorá huntu kon por fortalesé konekshon, kompartí konosementu i alsa kompreshon mutuo.

Nòmber di esnan ku lo presentá durante e seshon lo keda anunsiá próksimamente.

Ademas, lo duna un bista di e oportunidatnan pa supsidio den 2026 na periodistanan karibense.

Pa partisipantenan hulandes europeo e seshon lo krea un mihó kompreshon di e realidat periodístiko na e islanan, miéntras ku periodistanan karibense lo haña mas kompreshon pa e manera di traha i e dinámika den e mundu di media hulandes. Bo lo regresá ku ideanan nobo, kontaktonan balioso i hèrmèntnan práktiko. E seshon lo konkluí ku un lùnx kompartí, kaminda lo tin aun mas espasio pa topa otro i interkambiá.

Ken por partisipá?

E invitashon akí ta dirigí na periodistanan ku ta biba na un di e seis islanan karibense den Reino: Aruba, Kòrsou, Sint Maarten, Boneiru, Stasia òf Saba. Bo mester ta un periodista profeshonal aktivo, bo ta interesá pa kolaborá i interkambiá bo konosementu ku koleganan den Reino i bo ta disponibel di 11 te ku 13 di sèptèmber 2025. Despues di e festival, nos di Fondo BJP, lo ke pa bo kompartí bo eksperensia ku nos skirbiendo un relato kòrtiku. E lo keda publiká, ku bo aprobashon, riba nos wèpsait òf media sosial.

Inskripshon

Bo ke partisipá na e Festival di Periodismo? Yena e [formulario online](#) promé ku djaluna 21 di yùli 23.59 di anochi (ora karibense). Nos ta pidi bo pa konta brevemente algu di bo trabou, motivashon i ekspektativanan. E formulario ta disponibel na hulandes i ingles i bo por yen'é na tur dos lenga. Bo por skohe e lenga ku bo ta preferá, na banda drechi te ariba.

Un komishon di konsulta independiente, formá pa Fondo BJP, lo selektá maksimalmente sinku kandidato basá riba e motivashonnan ku a keda tres'é dilanti. Bo lo tende si b'a keda selektá pa mas tardá kuminsamentu di ougùstùs.

Bo tin pregunta? Hasi nan na talentontwikkeling@fondsbjp.nl